

Broj: 2996-12/18
Sarajevo, 26.04.2018. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 2996-10/18 od 25.04.2018. godine, u postupku javne nabavke **usluga: Održavanje automatike i termovizijskog snimanja**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 2996-10/18 od 25.04.2018. godine i Ugovor za javnu nabavku **usluga: Održavanje automatike i termovizijskog snimanja** dodjeljuje se ponuđaču **„ACING“ d.o.o. Sarajevo**, ponuda br. 50/AC/18, **dostavljena dana 19.04.2018. godine sa ukupnom cijenom ponude od 17.979,00 KM bez PDV-a, kao najpovoljnijem ponuđaču.**

Član 2.

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Član 3.

U postupku nabavke iz člana 1. ove Odluke zaprimljena je 1 (jedna) kvalifikovana ponuda sljedećeg ponuđača:

1. ACING d.o.o. Sarajevo sa ukupnom cijenom ponude od 17.979,00 KM bez uračunatog PDV-a.

U postupku nabavke iz člana 1. ove Odluke zaprimljene su ukupno 2 (dvije) ne kvalifikovane ponude sljedećih ponuđača: Micom d.o.o. Sarajevo i Konvar d.o.o. Sarajevo.

Član 4.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne

može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

Član 5.

Izabrani ponuđač se oslobađa obaveze dostavljanja originala ili ovjerenih kopija dokumentacije iz člana 45. i člana 47. Zakona o javnim nabavkama, jer je iste dostavio uz ponudu.

Član 6.

Prijedlog Ugovora o nabavci dostaviće se na potpis izabranom ponuđaču nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 7.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 8.

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **2996-2/18 od 03.04.2018. godine.**

Javna nabavka je sprovedena **putem konkurentskog zahtjeva za dostavu ponuda.** Procijenjena vrijednost javne nabavke bez PDV-a je **cca 22.000,00 KM.**

Komisija za nabavku, imenovana je Rješenjem broj: **2996-3/18 od 03.04.2018. godine.**

Obavještenje o nabavci broj: 1125-7-2-109-3-70/18, poslato je na objavljivanje dana **09.04.2018. godine,** a objavljeno je na Portalu javnih nabavki dana **09.04.2018. godine,** Obavještenje o nabavci objavljeno je u Sl. Glasniku BiH broj: **23/18 od 13.04.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **2996-9/18 od 25.04.2018. godine,** Preporuku o izboru najpovoljnijeg ponuđača broj: **2996-10/18 od 25.04.2018. godine** i Izveštaj o radu broj: **2996-11/18 od 25.04.2018. godine,** u postupku javne nabavke **usluga: Održavanje automatike i termovizijskog snimanja.**

U postupku po Izveštaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude,
- da su blagovremeno primljene 3 ponude,
- da nije bilo neblagovremeno primljenih ponuda,

- da je ponude ponuđača **ACING d.o.o. Sarajevo** kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način;

- da ponude ponuđača: **MICOM d.o.o. Sarajevo** i **KONVAR d.o.o. Sarajevo** nisu kvalifikovane, niti prihvatljive iz sljedećih razloga:

- Ponuđač MICOM d.o.o. Sarajevo u svojoj ponudi za predmetnu nabavku dostavio je Aktuelni izvod iz sudskog registra, ID broj, PDV broj i Pismenu izjavu iz člana 52. Zakona koje nisu ovjerene od strane nadležnog organa kako je zahtjevano u tenderskoj dokumentaciji na stranici na stanici 9., - dokazi – tačka a), b) i c) i na stranici 24. tačka 9.2. odnosno na stranici 35. gdje je navedeno da navedenu Izjavu potpisuje i ovjerava nadležni organ.
- Navedeni ponuđač je u svojoj ponudi dostavio Potvrdu koju daje druga ugovorna strana o realizaciji ugovora čiji predmet nije vezan za konkretni postupak nabavke.
- Navedeni ponuđač nije dostavio:
 1. Obavještenje o razvrstavanju pravnog lica prema klasifikaciji djelatnosti koje je traženo u odjeljku c) USLOVI ZA KVALIFIKACIJU PONUĐAČA u tački 2. Sposobnost obavljanja profesionalne djelatnosti – u smislu člana 46. Zakona na strani 9. tenderske dokumentacije,
 2. Izjavu ponuđača o prosječnom godišnjem broju zaposlenih i o broju rukovodećeg osoblja u posljednje tri godine koja je tražena u odjeljku USLOVI ZA KVALIFIKACIJU PONUĐAČA u tački 4. Tehnička i profesionalna sposobnost na strani 10. tenderske dokumentacije,
 3. Izjavu o prihvatanju nepromjenjivosti cijena koja je tražena u odjeljku d) PODACI O PONUDI u tački 4) Način određivanja cijene ponude na strani 15. tenderske dokumentacije.
 4. Kopiju ponude koja je tražena u odjeljku d) PODACI O PONUDI u tački 1) Sadržaj ponude i način izrade ponude na strani 14. tenderske dokumentacije.

Na osnovu svega prethodno navedenog, odbacuje se ponuda ponuđača „MICOM“ d.o.o. Sarajevo u skladu sa članom 68 stav (4) tačka i) Zakona.

- Ponuđač KONVAR d.o.o. Sarajevo u svojoj ponudi za predmetnu nabavku dostavio je Aktuelni izvod iz sudskog registra, ID broj, PDV broj i Pismenu izjavu iz člana 52. Zakona koje nisu ovjerene od strane nadležnog organa kako je zahtjevano u tenderskoj dokumentaciji na stranici na stanici 9., - dokazi – tačka a), b) i c) i na stranici 24. tačka 9.2. odnosno na stranici 35. gdje je navedeno da navedenu Izjavu potpisuje i ovjerava nadležni organ.
- Navedeni ponuđač nije dostavio:
 1. Obavještenje o razvrstavanju pravnog lica prema klasifikaciji djelatnosti koje je traženo u odjeljku c) USLOVI ZA KVALIFIKACIJU PONUĐAČA u tački 2. Sposobnost obavljanja profesionalne djelatnosti – u smislu člana 46. Zakona na strani 9. tenderske dokumentacije

2. Spisak izvršenih ugovora koji je tražen u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost na strani 10. tenderske dokumentacije
3. Potvrdu o uredno izvršenim ugovorima koja je tražena u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost na strani 10. tenderske dokumentacije
4. Izjavu/opis tehničke opremljenosti i osposobljenosti ponuđača, mjere kojima raspolaže ponuđač za obezbjeđenje kvaliteta, i njegu opremljenost i osposobljenost za ispitivanja i istraživanja koja je tražena u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost na strani 10. tenderske dokumentacije
5. Izjavu/navode o angažiranom tehničkom osoblju ili tehničkim organima, za poslove izvršenja predmetnih usluga, a za koje se ne može zahtijevati da su zaposleni kod kandidata/ponuđača koja je tražena u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost na strani 10. tenderske dokumentacije
6. Izjavu ponuđača o prosječnom godišnjem broju zaposlenih i o broju rukovodećeg osoblja u posljednje tri godine ponuđača koja je tražena u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost na strani 10. tenderske dokumentacije
7. Izjavu o prihvatanju roka vršenja usluga koja je tražena u odjeljku b) PODACI O PREDMETU JAVNE NABAVKE u tački 6) Rok za vršenje usluga je na strani 6. tenderske dokumentacije
8. Izjavu o prihvatanju nepromjenjivosti cijena koja je tražena u odjeljku d) PODACI O PONUDI u tački 4) Način određivanja cijene ponude na strani 15. tenderske dokumentacije
9. Izjavu o prihvatanju perioda važenja ponude koja je tražena u odjeljku d) PODACI O PONUDI u tački 7) Period važenja ponude na strani 16. tenderske dokumentacije
10. Izjavu o prihvatanju roka, načina i uslova plaćanja koja je tražena u odjeljku e) OSTALI PODACI u tački 7) Rok, način i uslovi plaćanja izabranom ponuđaču na strani 22. tenderske dokumentacije
11. Obrazac izjave o dostavi garancije za uredno izvršenje ugovora koja je data kao Prilog 7. na strani 37. tenderske dokumentacije
12. Izjava o prihvatanju općih i posebnih uslova tenderske dokumentacije koja je data kao Prilog 9. na strani 39. tenderske dokumentacije
13. Obrazac sadržaja ponude koji je dat kao Prilog 13. na strani 43. tenderske dokumentacije.
14. Kopiju ponude koja je tražena u odjeljku d) PODACI O PONUDI u tački 1) Sadržaj ponude i način izrade ponude na strani 14. tenderske dokumentacije.

Na osnovu svega prethodno navedenog, odbacuje se ponuda ponuđača „KONVAR“ d.o.o. Sarajevo u skladu sa članom 68 stav (4) tačka i) Zakona.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog **najniže cijene**.

Redni broj	Predmet nabavke	Naziv/ime ponuđača	Ukupna cijena ponude bez PDV-a
1.	Održavanje automatike i termovizijskog snimanja	ACING d.o.o. Sarajevo	17.979,00 KM

Izabrani ponuđač je izabran primjenjujući kriterij najniža cijena.

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

Dostaviti:

- Ponuđaču: ACING d.o.o. Sarajevo
- Ponuđaču: MICOM d.o.o. Sarajevo
- Ponuđaču: KONVAR d.o.o. Sarajevo
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.

